



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno MCXVIII. ad annum MCLXXIX.

Parisiis, 1644

V. Ne aliquis ordinetur sine certo titulo.

urn:nbn:de:hbz:466:1-15588

<sup>Anno Christi
1179.</sup> dant, ut non quæ sunt sua, sed quæ Iesu Christi,
quærere videantur, nec sumptuosas epulas quærant,
sed cum gratiarum actione recipiant quod
honeste, & competenter fuerit illis ministratum.
Prohibemus etiam, ne subditos suos talliis, & exac-
tionibus episcopi grauare præsumant. Sustinemus
autem pro multis necessitatibus, quæ aliquoties su-
perueniunt, ut si manifesta, & rationabilis causa ex-
titerit, cum caritate moderatum ab eis valeant auxi-
lium postulare. Cum enim dicat Apostolus; *Non debent parentibus filii thesaurizare, sed parentes filiis:*
multum longe a paterna pietate videtur, si præ-
positi suis subditis graues existant, quos in cun-
cis necessitatibus pastoris more fouere debent. Archidiaconi vero, siue decani nullas exactiones, vel
tallias in presbyteros, seu clericos exercere præsu-
mant. Sane quod de prædicto numero euectionis
secundum tolerantiam dictum est, in illis locis
poterit obseruari, in quibus ampliores sunt redi-
tus & ecclesiæ facultates. In pauperioribus autem
locis tantam volumus teneri mensuram, ut ex ac-
cessu maiorum, * minores non debeant grauiori:
ne sub tali indulgentia illi, qui paucioribus equis uti
solebant, hactenus plurimam sibi credant potesta-
tem indultam.

Episcopus, si aliquem sine certo titulo, de quo
necessaria vitæ percipiat, in diaconum, vel presby-
terum ordinauerit, tamdiu necessaria ei submini-
stret, donec in aliqua ei ecclesia conuenientia sti-
pendia militiae clericalis assignet: nisi forte talis qui

Concil. Tom. 27.

Kkk ij

ordinatur, extiterit, qui de sua, vel paterna here-
ditate subsidium vitæ possit habere.

V I.

Reprehensibilis valde consuetudo in quibus-
dam partibus inoleuit, ut fratres & coepiscopi no-
stri, seu etiam archidiaconi, quos appellaturos in
causis suis existimant, nulla penitus admonitione
præmissa, suspensionis, vel excommunicationis in
eos ferant sententiam. Alii etiam dum superioris
sententiam, & disciplinam canonicam reformi-
dant, sine ullo grauamine appellationem obiiciunt,
& ad defensionem iniquitatis usurpant, quod ad
subsidium innocentium dignoscitur institutum.
Quocirca, ne vel prælati valeant sine causa gra-
uare subiectos, vel subditi pro sua voluntate sub
appellationis obtentu correctionem valeant elu-
dere prælatorum: præsenti decreto statuimus, ut
nec prælati, nisi canonica commonitione præ-
missa, suspensionis, vel excommunicationis sen-
tentiam proferant in subiectos; nisi forte talis sit
culpa, quæ ipso genere suo ^{*} excommunicationis
pœnam inducat: nec subiecti contra disciplinam
ecclesiasticam ante ingressum causæ in vocem ap-
pellationis prorumpant. Si vero quisquam pro sua
necessitate crediderit appellandum, competens ei
ad prosequendam appellationem terminus præfi-
gatur. Infra quem, si forte prosequi neglexerit, libe-
re tunc episcopus sua auctoritate vtatur. Si autem
in quocumque negotio aliquis appellauerit, & eo,
qui appellatus fuerit, veniente, qui appellauerit, ve-
nire neglexerit, si proprium quid habuit, compe-